

SURAT SETUJU TERIMA

MPC.100-14/1/23

15 November 2021

BILINK MATRIX SDN. BHD.

Lot 212, 2nd Floor

Jalan Hj. Taha

93400 Kuching Sarawak

Tel: 082-421922

(U/P: En. Jaszuin Mohamad Said)

MPC (SKO) T2/2021: CADANGAN KERJA-KERJA TANAH, PEMBINAAN PAGAR & PEMBAIKAN BANGUNAN DI PERBADANAN PRODUKTIVITI MALAYSIA (MPC) WILAYAH SARAWAK.

Dengan ini dimaklumkan bahawa Perbadanan Produktiviti Malaysia (MPC) telah bersetuju menerima tawaran tender syarikat tuan dengan harga sebanyak **Ringgit Malaysia Satu Juta Tiga Ratus Lapan Puluh Lima Ribu Sahaja (RM1,385,000.00)** termasuk 6% SST tertakluk kepada had, syarat dan perjanjian dalam Dokumen Tender yang menjadi asas Tender ini dan juga had serta syarat yang dinyatakan di dalam surat ini.

2. Walau bagaimanapun, pelantikan ini adalah tertakluk kepada persetujuan harga yang telah dinyatakan dalam dokumen tender oleh pihak tuan dan pembayaran adalah berdasarkan spesifikasi seperti Jadual 1 di bawah:

Jadual 1

BIL.	PEROLEHAN	TEMPOH	JUMLAH (RM)
1.	CADANGAN KERJA-KERJA TANAH, PEMBINAAN PAGAR & PEMBAIKAN BANGUNAN DI PERBADANAN PRODUKTIVITI MALAYSIA (MPC) WILAYAH SARAWAK.	12 Bulan	1,385,000.00 (termasuk 6% SST)

3. Dengan pengakuan penerimaan Surat ini berserta lampiran berkaitan, suatu kontrak yang mengikat terbentuk di antara Kerajaan dengan syarikat

tuan. Satu dokumen kontrak hendaklah ditandatangani dalam kadar segera dengan memasukkan semua terma sebagaimana dokumen tender serta semua terma dalam Lampiran A. Sehingga dokumen kontrak tersebut ditandatangani, Surat ini hendaklah terus mengikat kedua- dua pihak.

4. Pelarasan harga dan kadar harga dalam Jadual Kadar Harga dan/atau Ringkasan Tender atau Senarai Kuantiti, mengikut yang mana berkenaan setelah diteliti dan diselaraskan oleh MPC tentang kemunasabahannya, yang mana akan menjadi sebahagian daripada terma-terma kontrak. Walau bagaimana pun, Jumlah Harga Kontrak seperti di atas adalah kekal tidak berubah.

5. Tarikh milik tapak seperti yang disebutkan dalam Syarat-syarat Kontrak ialah pada.....15/12/2021..... Walau bagaimanapun, tuan adalah diingatkan bahawa tiada kerja boleh dibuat melainkan jika tuan telah mengemukakan kepada MPC dokumen-dokumen berikut:

- a) *suatu bon pelaksanaan yang tidak boleh dibatalkan yang berjumlah **Ringgit Malaysia Enam Puluh Sembilan Ribu Dua Ratus Lima Puluh sahaja (RM 69,250.00);**
- b) *suatu polisi Insurans Tanggungan Awam (iaitu insurans terhadap bencana kepada orang-orang dan kerosakan kepada harta) nilai insurans tidak kurang daripada **Ringgit Malaysia Satu Juta sahaja (RM 1,000,000.00);**
- c) *suatu polisi Insurans Kerja yang berjumlah: **Ringgit Malaysia Satu Juta Tiga Ratus Lapan Puluh Lima Ribu Sahaja (RM1,385,000.00).**
- d) *nombor Kod Majikan di bawah Skim PERKESO dan/atau Polisi Pampasan Pekerja.

mengikut ketetapan seperti di **Lampiran A**. Walau bagaimanapun, bagi memulakan kerja-kerja dan bukan maksud lain, tuan boleh menyerahkan Nota-nota Liputan bagi maksud polisi-polisi insurans tersebut dan resit-resit premium yang telah dibayar itu kepada Pegawai Penguasa. Tuan dikehendaki

menyerahkan Polisi-polisi Insurans yang berkenaan (jika belum diserahkan) menurut perenggan ini, dalam tempoh tidak lewat 30 hari daripada tarikh penyerahan Nota-nota Liputan. Apa-apa kegagalan dalam mematuhi kehendak di perenggan ini dalam tempoh masa yang ditetapkan, boleh mengakibatkan Surat ini terbatal dan MPC tidaklah dengan apa-apa cara jua bertanggung terhadap tuan melainkan jika penepian bertulis diberikan oleh orang yang diberi kuasa, bagi kerja yang perlu dibuat dengan segera atau serta-merta apabila kelewatan itu akan memudarat dan menjejaskan perkhidmatan dan kepentingan awam.

6. Kegagalan tuan memulakan kerja dalam tempoh dua (2) minggu dari tarikh pemilik tapak akan mengakibatkan pengambilan kerja tuan di bawah kontrak ditamatkan sejajar dengan Fasa 5.1(a)(i) Syarat-syarat Kontrak.

7. Pihak tuan juga dikehendaki untuk mengemukakan senarai nama-nama subkontraktor berserta pengalamannya dengan menyatakan bahagian-bahagian kerja yang terlibat kepada Pegawai Penguasa sebelum memulakan kerja di tapak bina untuk kelulusan. Sejajar dengan klausa 47.1. Syarat-syarat kontrak PWD 203/203A (Rev.1/2010) tuan tidak boleh mengsub-kontrakkan keseluruhan kerja ataupun sebahagian tanpa kelulusan Pegawai Penguasa terlebih dahulu. Sekiranya Pegawai Penguasa meluluskan permohonan tuan untuk mengsub-kontrakkan sebahagian kerja atau keseluruhan kerja, kelulusan tersebut adalah tertakluk kepada kontraktor mengikat perjanjian penyerahan hak (Deed of Assignment) dengan subkontraktor terlebih dahulu.

8. Setelah arahan dikeluarkan oleh MPC, tuan dikehendaki melaksanakan kerja dalam tempoh yang ditetapkan dan kualiti kerja tersebut hendaklah memuaskan hati serta memenuhi kehendak MPC. Sekiranya tuan gagal melaksanakan kerja dalam tempoh yang ditetapkan, MPC berhak membatalkan arahan yang dikeluarkan dan/atau mengenakan *Liquidated & Ascertained Damages* (LAD) seperti yang ditetapkan dalam **Lampiran A**.

9. Syarikat tuan juga adalah diingatkan bahawa MPC berhak untuk membatalkan Surat ini sekiranya:

- (a) syarikat tuan gagal mematuhi mana-mana terma di perenggan 5 dalam tempoh masa yang ditetapkan;
- (b) syarikat tuan gagal mematuhi mana-mana terma yang dinyatakan dalam Surat Akuan Pembida Berjaya;
- (c) syarikat tuan gagal memulakan kerja dalam tempoh dua (2) minggu dari tarikh milik tapak;
- (d) syarikat tuan telah membuat salah nyataan (misrepresentation) atau mengemukakan maklumat palsu semasa berurusan dengan MPC bagi perolehan ini atau melakukan apa-apa perbuatan lain, seperti memalsukan maklumat dalam Sijil Akuan Pendaftaran Syarikat, mengemukakan bon pelaksanaan atau dokumen lain yang palsu atau yang telah diubah suai;
- (e) syarikat tuan membenarkan Sijil Akuan Pendaftaran Syarikat disalahgunakan oleh individu/syarikat lain;
- (f) syarikat tuan terlibat dalam membuat pakatan harga dengan syarikat-syarikat lain atau apa-apa pakatan sepanjang proses tender sehingga dokumen kontrak ditandatangani;
- (g) syarikat tuan telah memberikan subkontrak sama ada sepenuhnya atau sebahagiannya perkhidmatan tanpa kelulusan MPC terlebih dahulu. Sekiranya MPC meluluskan permohonan syarikat tuan untuk memberikan subkontrak sebahagian kerja atau keseluruhan kerja, kelulusan tersebut adalah tertakluk kepada syarikat tuan mengikat perjanjian hak (**Deed of Assignment**) dengan Subkontraktor terlebih dahulu;
- (h) syarikat gagal menyempurnakan kerja dalam tempoh yang ditetapkan seperti di **Lampiran A**;
- (i) syarikat tuan gagal mematuhi mana-mana terma/arahan di dalam dokumen tender;

(j) syarikat tuan/ pemilik/ rakan kongsi/ pengarah telah disabitkan atas kesalahan jenayah di dalam atau luar Malaysia;

(k) syarikat tuan digulungkan;

(l) syarikat tuan membekal barang-barang yang tidak tulen, bukan baharu atau yang terpakai;

(m) kontraktor gagal/mungkir dalam melaksanakan tanggung jawabnya sepertimana ditetapkan dalam Syarat-syarat Kontrak;

(n) syarikat tuan tidak mendapat kelulusan daripada MPC terlebih dahulu bagi apa-apa penjualan atau pemindahan ekuiti sepanjang tempoh kontrak ini berkuat kuasa; atau

(o) terdapat perkara yang melibatkan kepentingan awam atau keselamatan dan kepentingan negara.

10. Sekiranya Surat ini dibatalkan atas alasan seperti yang ditetapkan di perenggan 9, MPC tidak akan bertanggungjawab terhadap apa-apa kerugian syarikat tuan termasuk kerugian masa hadapan.

11. Bersama-sama Surat ini disertakan **Surat Akuan Pembida Berjaya** dan **Surat Akuan Sumpah Syarikat** seperti di **Lampiran B dan Lampiran C** untuk ditandatangani oleh syarikat tuan dan dikembalikan bersama-sama dengan Surat ini.

12. Syarikat tuan juga adalah dikehendaki untuk mengemukakan dokumen berikut bersama-sama dengan Surat ini yang telah ditandatangani balas oleh tuan, untuk kelulusan Pegawai Penguasa sebelum memulakan kerja di tapak bina:

(a) Senarai nama subkontraktor berserta pengalamannya dengan menyatakan bahagian kerja yang terlibat; dan

(b) Program Kerja bagi pelaksanaan projek ini.

13. Berdasarkan kepada Tempoh Siap Kerja yang ditenderkan selama 12 bulan, Tarikh Siap untuk seluruh kerja-kerja di bawah kontrak ini ialah pada 15/12/2022

14. Surat ini dihantar kepada syarikat tuan dalam tiga (3) salinan. Sila kembalikan ke pejabat ini **salinan asal dan kedua** berserta lampiran yang berkaitan yang telah ditandatangani dengan sempurna oleh syarikat tuan dan saksi syarikat tuan tidak melebihi 7 hari dari tarikh Surat ini diterima untuk tindakan kami selanjutnya. Apa-apa kegagalan dalam mematuhi kehendak di perenggan ini dalam tempoh masa yang ditetapkan boleh mengakibatkan Surat ini terbatal dan MPC tidaklah dengan apa-apa jua bertanggungjawab terhadap syarikat tuan.


Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“MEMACU PRODUKTIVITI NEGARA”

Saya yang menjalankan amanah,


(DATO' ABDUL LATIF HJ ABU SEMAN)
Ketua Pengarah
Perbadanan Produktiviti Malaysia (MPC)

PENGAKUAN PENERIMAAN SURAT SETUJU TERIMA DAN LAMPIRAN YANG BERKAITAN OLEH SYARIKAT

Dengan ini disahkan bahawa yang bertandatangan di bawah ini mengakui penerimaan Surat ini dan lampiran yang berkaitan yang rujukannya ialah MPC.100-14/1/23 bertarikh 15-NOV-2021 dan bersetuju dengan terma dan syarat yang terkandung dalam Surat ini tanpa syarat yang mana salinan kepada Surat ini telah disimpan, dan selanjutnya disahkan bahawa tiada apa-apa terma, syarat atau stipulasi tambahan kepada yang terkandung dalam dokumen tender dan Surat ini telah dikenakan.

Tandatangan Perunding

Nama Penuh: NORLEZA BINTI MOHAMAD ALI

No. Kad Pengenalan: 801229-13-5406

Alamat: LOT 212, TINGKAT 2,
JALAN HAJI TAJA,
93400 KUCHING.

Tarikh: 23/11/2021

Tandatangan Saksi

Nama Penuh: DAYANG KHAIRUNNISA BT ASANGHADI

No. Kad Pengenalan: 911028-13-5992

Alamat: LOT 212, TINGKAT 2 / JALAN
HAJI TAJA, 93400 KUCHING.

Tarikh: 23/11/2021

Meterai atau Cop Perunding



Tarikh: 23/11/2021

**potong mana yang tidak berkenaan*

BUTIRAN KONTRAK

**CADANGAN KERJA-KERJA TANAH, PEMBINAAN PAGAR & PEMBAIKAN BANGUNAN DI PERBADANAN
PRODUKTIVITI MALAYSIA (MPC) WILAYAH SARAWAK**

1. Pendaftaran Syarikat Dengan Suruhanjaya Syarikat Malaysia (SSM) Atau Pendaftaran Koperasi Dengan Suruhanjaya Koperasi Malaysia (SKM) (jika berkaitan)

1.1 No. Pendaftaran : 664901 - H

1.2 Tempoh Sah Laku :

2. Pendaftaran dengan Lembaga Pembangunan Industri Pembinaan Malaysia (CIDB) Di Bawah Perakuan Pendaftaran Kontraktor

2.1 No. Pendaftaran : 0120100930 - SR131196

2.2 Tempoh Sah Laku : 10.11.2024

2.3 Gred : G4

2.4 Kategori : B, CE, ME

2.5 Pengkhususan : B04, B24, B28, B29, CE01, CE06, CE08, CE21, CE36, MIS

3. Pendaftaran dengan Lembaga Pembangunan Industri Pembinaan Malaysia (CIDB) Di Bawah Sijil Perolehan Kerja Kerajaan (jika berdaftar)

3.1 No. Pendaftaran : 0120100930 - SR131196

3.2 Tempoh Sah Laku : 10.11.2024

3.3 Gred : G4

3.4 Kategori : B, CE, ME

3.5 Pengkhususan : B04, B24, B28, B29, CE01, CE06, CE08, CE21, CE36, MIS

4. Pendaftaran dengan Pusat Khidmat Kontraktor (PKK) (Sijil Bumiputera) (jika berdaftar)

4.1 No. Pendaftaran : 0120100930 - SR131196

4.2 Tempoh Sah Laku : 10.11.2024

4.3 Gred Kontraktor : G4

5. Pendaftaran dengan Pusat Pendaftaran Kontraktor Kerja, Bekalan Perkhidmatan Negeri Sabah (PUKONSA) (jika berdaftar)

5.1 No. Pendaftaran :

5.2 Tempoh Sah Laku :

5.3 Gred Kontraktor :

5.4 Kepala :

5.5 Sub Kepala :

6. **Pendaftaran dengan Unit Pendaftaran Kontraktor dan Juruperunding, Pejabat Setiausaha Kewangan Negeri Sarawak (UPKJ) (jika berdaftar)**

6.1 No. Pendaftaran : 08316

6.2 Tempoh Sah Laku : 27.11.2022

6.3 Gred Kontraktor : Kelas C, Kepala I, II, III, IV

6.4 Kod Bidang : I : 1, II : 1(a), 1(b), 1(c), 2(a), 2(b), 3(b), 3(c), 5(a), 5(b)

7. **Harga dan Tempoh Kontrak**

7.1 Harga Tender (butiran harga seperti di **Lampiran A1**) : RM 1,385,000.00 (termasuk 6% SST)
Lampiran A1 adalah merupakan borang dalam dokumen sebut harga dengan harga yang ditandatangani oleh syarikat.

7.2 Harga Kontrak : RM 1,385,000.00 (termasuk 6% SST)

7.3 Tempoh Kontrak :

7.4 Tarikh Milik Tapak :

7.5 Tarikh Siap Kerja :

8. ***Bon Pelaksanaan**

8.1 Kadar Bon Pelaksanaan : 5%

8.2 Formula Bon Pelaksanaan : 5% x RM 1,385,000.00

8.3 Nilai Bon Pelaksanaan : RM 69,250.00

8.4 Bentuk Bon Pelaksanaan : Jaminan Bank/ Bank Islam/ Bank Pembangunan Malaysia Berhad; atau Jaminan Syarikat Kewangan; atau Jaminan Insurans/ Takaful.

8.5 Tempoh Sah Laku : *Dari tarikh kuat kuasa kontrak sehingga 12 bulan selepas tamat Tempoh Tanggungan Kecacatan (DLP) – bagi projek bernilai sehingga RM10 juta; atau

*Dari tarikh kuat kuasa kontrak sehingga 24 bulan selepas tamat Tempoh Tanggungan Kecacatan (DLP) – bagi projek bernilai melebihi RM10 juta

Mengikut format yang ditetapkan oleh Kerajaan seperti di **Lampiran A4**

Lampiran A4 akan disediakan oleh Agensi berdasarkan format 1PP/PK4

9. ***Polisi Insurans Kerja**

- 9.1 Nilai Polisi : RM1,385,000.00
-
- 9.2 Tempoh Perlindungan : Meliputi tempoh kontrak

10. ***Polisi Insurans Tanggungan Awam**

- 10.1 Nilai Polisi : RM 1,000,000.00
-
- 10.2 Tempoh Perlindungan : Meliputi tempoh kontrak, tempoh tanggungan kecacatan dan 3 bulan 14 hari.

11. **Kenaan Liquidated & Ascertained Damages (LAD)**

(Lewat menyiapkan kerja mengikut jadual yang ditetapkan)

- 11.1 Formula : $\text{Peratusan LAD} = \text{PR setahun} / 365 \text{ hari}$
-
- 11.2 Kadar sehari : RM 37,810.50
-

Contoh Perkiraan:

PR = katakan 10.0% setahun

Peratusan dengan ganti rugi: $10\% / 365 \text{ hari} = 0.0273\% \text{ sehari}$

Kadar LAD sehari = $(0.0273\% \times \text{nilai kontrak})$

**potong mana yang tidak berkenaan*

**BORANG JAMINAN BANK/JAMINAN SYARIKAT KEWANGAN/ JAMINAN
INSURANS UNTUK BON PELAKSANAAN (KONTRAK KERJA YANG BERNILAI
SEHINGGA RM10 JUTA)**

Sebagai balasan kepada Kontrak No. yang dibuat antara Kerajaan Malaysia, (kemudian daripada ini dirujuk sebagai "Kerajaan") dan, (kemudian daripada ini dirujuk sebagai "Kontraktor") bagi (namakan projek), (kemudian daripada ini dirujuk sebagai "Kontrak") kami yang bertandatangan di bawah, (kemudian daripada ini dirujuk sebagai "Penjamin") atas permohonan Kontraktor, mengaku janji yang tak boleh batal untuk memberi Jaminan kepada Kerajaan ke atas pelaksanaan yang sepatutnya Kontrak tersebut mengikut cara sebagaimana yang terdapat kemudian daripada ini.

MAKA Penjamin dengan ini bersetuju dengan Kerajaan seperti berikut:

1. Apabila sahaja Kerajaan membuat tuntutan bertulis, maka Penjamin hendaklah dengan serta merta membayar kepada Kerajaan nilai yang ditentukan dalam tuntutan tersebut tanpa mengira sama ada terdapat apa-apa bantahan atau tentangan daripada Kontraktor atau Penjamin atau mana-mana pihak ketiga yang lain dan tanpa bukti atau bersyarat. Dengan syarat sentiasanya bahawa jumlah tuntutan yang dibuat tidak melebihi sebanyak Ringgit (nyatakan nilai jaminan dalam perkataan) (RM) dan bahawa tanggungan Penjamin untuk membayar kepada Kerajaan di bawah Perjanjian ini tidak melebihi nilai tersebut di atas.
2. Kerajaan berhak untuk membuat apa-apa tuntutan sebahagian jika dikehendakinya dan jumlah kesemua tuntutan sebahagian itu hendaklah tidak melebihi nilai Ringgit (nyatakan nilai jaminan dalam perkataan) (RM) dan liabiliti Penjamin untuk membayar kepada Kerajaan jumlah yang disebutkan terdahulu hendaklah dikurangkan dengan perkadaran yang bersamaan dengan apa-apa bayaran sebahagian yang telah dibuat oleh Penjamin.
3. Penjamin tidak boleh dibebaskan atau dilepaskan dari Jaminan ini oleh sebarang perkiraan yang dibuat antara Kontraktor dan Kerajaan sama ada dengan atau tanpa persetujuan Penjamin atau oleh sebarang perubahan tentang kewajipan yang diakui janji oleh Kontraktor atau oleh sebarang penangguhan sama ada dari segi pelaksanaan, masa, pembayaran atau sebaliknya.

4. Jaminan ini adalah Jaminan yang berterusan dan tak boleh batal dan hendaklah berkuat kuasa sehingga (kemudian daripada ini disebut ("Tarikh Mati Asal") (Initial Expiry Date) iaitu dua belas (12) bulan selepas tarikh tamat tempoh kecacatan atau dalam keadaan di mana kontrak dibatalkan, satu (1) tahun selepas tarikh kontrak dibatalkan. Penjamin hendaklah melanjutkan Tarikh Mati Asal (Initial Expiry Date) Jaminan ini untuk tempoh tambahan selama tidak melebihi satu (1) tahun daripada Tarikh Mati Asal (Initial Expiry Date) (kemudian daripada ini disebut "Tarikh Mati Lanjutan") (Extended Expiry Date) apabila diminta oleh Kerajaan dan Jaminan ini Pekeliling Perbendaharaan Malaysia PK 4.2 2/2 adalah dengan ini dilanjutkan. Jumlah agregat maksimum yang Kerajaan berhak di bawah Perjanjian ini mestilah sentiasa dipastikan tidak melebihi jumlah Ringgit (nyatakan nilai Jaminan dalam perkataan) (RM).

5. Apa-apa tanggungjawab dan tanggungan Penjamin di bawah Perjanjian ini hendaklah luput apabila Perjanjian ini tamat pada Tarikh Mati Asal (Initial Expiry Date) atau Tarikh Mati Lanjutan (Extended Expiry Date) melainkan jika sebelumnya Kerajaan telah meminta secara bertulis kepada Penjamin untuk membayar sejumlah wang tertentu yang masih belum dijelaskan mengikut peruntukan kontrak.

6. SEMUA TUNTUTAN BERKAITAN DENGAN JAMINAN INI, JIKA ADA, MESTILAH DITERIMA OLEH PIHAK BANK/SYARIKAT KEWANGAN/ SYARIKAT INSURANS DALAM TEMPOH SAH LAKU JAMINAN INI ATAUPUN DALAM MASA EMPAT (4) MINGGU DARI TAMATNYA TARIKH JAMINAN INI, MENGIKUT MANA YANG LEBIH KEMUDIAN. PADA MENYAKSIKAN HAL DI ATAS pihak-pihak kepada Perjanjian ini telah menurunkan tandatangan dan meteri mereka pada hari dan tahun yang mula-mula tertulis di atas. Ditandatangani untuk dan bagi pihak Penjamin di hadapan)) Nama :)
Jawatan :) Cap Bank/Syarikat Kewangan/ Syarikat Insurans:
..... (Saksi) Nama :
..... Jawatan : Cap
Bank/Syarikat Kewangan/Syarikat Insurans :

SURAT AKUAN PEMBIDA BERJAYA
CADANGAN KERJA-KERJA TANAH, PEMBINAAN PAGAR & PEMBAIKAN
BANGUNAN DI PERBADANAN PRODUKTIVITI MALAYSIA (MPC) WILAYAH
SARAWAK

NORLELA BINTI
Saya, ...~~MOHAMAD ALI~~.....nombor K.P. ..~~801229-13-5406~~.. yang mewakili
BILINK MATRIX S/B(nama syarikat).....~~664901-H~~ nombor pendaftaran
(~~MOFACIDBSSM~~) dengan ini mengisytiharkan bahawa saya
atau mana-mana individu yang mewakili syarikat ini tidak akan menawar atau
memberi rasuah kepada mana-mana individu dalam
MPC
..... atau mana-mana individu lain, sebagai
ganjaran untuk dipilih dalam ~~sebut harga~~/tender seperti di atas. Bersama ini
dilampirkan Surat Perwakilan Kuasa bagi saya mewakili syarikat seperti tercatat di
atas untuk membuat pengisytiharan ini.

2. Sekiranya saya atau mana-mana individu yang mewakili syarikat ini
didapati bersalah menawar atau memberi rasuah kepada mana-mana individu
dalam ..MPC.....(nama kementerian/agensi).....~~7~~.....atau mana-mana
individu lain sebagai ganjaran mendapatkan ~~sebut harga~~/tender seperti di atas,
maka saya sebagai wakil syarikat bersetuju tindakan-tindakan berikut diambil:

- 2.1 penarikan balik tawaran kontrak bagi ~~sebut harga~~/tender di atas; atau
- 2.2 penamatan kontrak bagi ~~sebut harga~~/tender di atas; dan
- 2.3 lain-lain tindakan mengikut peraturan perolehan Kerajaan yang berkuat
kuasa.

3. Sekiranya terdapat mana-mana individu cuba meminta rasuah daripada
saya atau mana-mana individu yang berkaitan dengan syarikat ini sebagai
ganjaran mendapatkan ~~sebut harga~~/tender seperti di atas, maka saya berjanji
akan dengan segera melaporkan perbuatan tersebut kepada pejabat
Suruhanjaya Pencegahan Rasuah Malaysia (SPRM) atau balai polis yang
berhampiran.

Yang Benar,



(Nama dan No. KP) Cop Syarikat :
NORLELA BINTI MOHAMAD ALI
801229-13-5406
Catatan:



- i) * Potong mana yang tidak berkenaan
- ii) Surat akuan ini hendaklah dikemukakan bersama Surat Perwakilan Kuasa

SURAT AKUAN SUMPAH SYARIKAT

Saya... NORLELA BINTI MOHAMAD ALI nombor kad pengenalan
 801229-13-5406 yang mewakili syarikat BILINK MATRIX SDN BHD
 nombor pendaftaran... 664901-H (*MOF/CIDB/SSM) dengan sesungguhnya
 dan sebenarnya mengaku bahawa:

- syarikat **TIDAK** membuat salah nyataan (*misrepresentation*) atau mengemukakan maklumat palsu semasa berurusan dengan Kerajaan bagi perolehan ini atau melakukan apa-apa perbuatan lain, seperti memalsukan maklumat dalam Sijil Akuan Pendaftaran Syarikat, mengemukakan bon pelaksanaan atau dokumen lain yang palsu atauyang telah diubah suai;
- syarikat **TIDAK** membenarkan Sijil Akuan Pendaftaran Syarikat disalahgunakan oleh individu/syarikat lain;
- syarikat **TIDAK** terlibat dalam membuat pakatan harga dengan syarikat-syarikat lain atau apa-apa pakatan sepanjang proses ~~*sebut harga/~~ tender sehingga dokumen kontrak ditandatangani;
- syarikat/ pemilik/ rakan kongsi/ pengarah **TIDAK** disabitkan atas kesalahan jenayah di dalam atau luar Malaysia; dan
- syarikat **TIDAK** digulungkan.

Sekiranya pada bila-bila masa, dibuktikan bahawa pengisytiharan perenggan diatas adalah tidak benar, Kerajaan berhak menarik balik tawaran kontrak atau menamatkan perkhidmatan syarikat bagi projek ini.


Dan saya membuat Surat Akuan Bersumpah ini dengan kepercayaan bahawapa-apa yang tersebut didalamnya adalah benar serta menurut Akta Akuan Berkanun 1960.

Diperbuat dan dengan)
 sebenar-benarnya diakui oleh)
)
 NORLELA BINTI MOHAMAD ALI)
 di... KUCHING)
 pada ... 26 NOV 2021)

Tandatangan.....

Di hadapan saya,

Pesuruhjaya Sumpah



★ Tuan Alex Yeo And Company
 Peguambela
 109, 1st Floor, Jalan Haji Taha,
 93400 Kuching, Sarawak.

Catatan:

- *Potong mana yang tidak berkenaan.
- Surat akuan ini hendaklah ditandatangani oleh hanya penama di sijil pendaftaran MOF/CIDB.